

առ մեզ . զի ձանձրացեալ է մեր յանկարգութենէ Դպրոց եպիսկոպոսաց , արտաքսեցաք զայն 'ի մերմէ Տէրութենէ : Եւ արդ ըստ օրինաց մերոց կարօտ եմք յոյժ եպիսկոպոսի միոյ յազգէ Հայոց , զի մեծ հարկաւորութիւն ունի մեզ : Իբրեւ ել փոխարքայն յեղիպտոս յԱղէքսանդրիայ՝ հրաման արար գլխաւորաց Հայոց գտանել զոմն և առաքել անդ . և 'ի ծանուցանել նոցա զայս Կիրակոս եպիսկոպոսի առաջնորդի տեղւոյն , նա յանձն առ յօժարութեամբ զնալ անդ . այլ նոքա ոչ կամեցան թողուլ զնա , որպէս և փոխարքայն չէր տուեալ հրաման մեկնելոյ նորա անտի : Ապա խորհեցան առաքել զՊօղոս վարդապետ Կեսարացի , որ նստէր անդ իբրեւ ամիսս և , 'ի Սիւս ձեռնադրիլ եպիսկոպոս եւ գնալ յեթովպիա : Եւ 'ի նոյն աւուրս հասեալ էր յեղիպտոս Եղիա եպիսկոպոս իւրովքն հանդերձ . և 'ի ծանուցանել նմա զինդիրն , 'ի սկզբան յանձն առ յօժարութեամբ զնալ ծախիւք իւրովք . բայց ապա լուեալ յոմանց զգոհարութիւն ձանապարհաց և զաղքատութիւն երկրին՝ յետս եկաց : Եւ Փոխարքայն վերստին հարկեցուցիչ բանիւ հրաման արար անպատճառ գտանել զոք և առաքել . և եթէ չգուցէ յեղիպտոս , տալ բերել յերուսաղէմէ . և ժողովեալ իշխանք քաղաքին առ առաջնորդն , գրեցին յերուսաղէմ առ Խորհրդականս , զՀնդկաց Նուիրակ Ն . րահամ վարդապետն և Էմմ զայլ ոք՝ առաքել 'ի Սիւս ձեռնադրիլ եպիսկոպոս և գնալ յեղիպտոս : Քանզի եթէ ամա հետէ ազգն Հապէշաց մնացեալ էին առանց եպիսկոպոսի , և զայն ըստ պատէին յազգէն Հայոց օծանել զԹագաւոր նոցա և ձեռնադրել զնուիրեալն . գրեցին վասն այսր առ Պատրիարքունս 'ի Կոստանդինուպօլիս , որպէս և Կիրակոս եպիսկոպոս առ Զաքարիա վարդապետ , զի ական ունէր շահիլ վիճակ ինչ յեզր աշխարհի . միայն սարտ է ասէր՝ եպիսկոպոսին մնալ անդ ամա երիս , և յետ այնորիկ առաքել զայլ ոք , ցուցանէ նաեւ զգլխորութիւն ձանապարհին . զաւուրս երիս 'ի Սըվէյիչ , անտի նաւով 'ի Ճիտտէ և ապա 'ի Սափաքին հանդէպ ձիտտէի . և յետ 13 աւուրց ցամաքային ձանապարհաւ 'ի Կէօնտէր Թագաւորական մայրաքաղաք Հապէշաց :

Եղիա եպիսկոպոս մնացեալ յեղիպտոս զաւուրս իբրեւ